

01/4-16-1



URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ
AUDIT OFFICE OF THE INSTITUTIONS OF BOSNIA AND HERZEGOVINA



H. Čemerlića 2, 71000 Sarajevo, Tel: ++ 387 (0) 33 70 35 73; Fax: 70 35 65 - www.revizija.gov.ba, e-mail: saibih@bih.net.ba

Broj: 01-05-02-3-220-2/15
Datum: 13.04.2015. godine

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
PRIMLJENO:	14.04.2015		
ORGANIZACIJA	Klasifikacija	RODNI	HRB)
01/4-16-1	515-1/15	HRB)	HRB)

3


Bosna i Hercegovina
PARLAMENTARNA SKUPŠTINA BOSNE I HERCEGOVINE
Zastupnički dom
Povjerenstvo za financije i proračun

Predmet: Izvješće o aktivnostima Ureda za 2014. godinu, dostavlja se

Cijenjeni,

u prilogu akta, dostavljamo vam jezičke verzije *Izvješća o aktivnostima Ureda za reviziju institucija BiH za 2014. godinu.*

S poštovanjem,





**URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ
AUDIT OFFICE OF THE INSTITUTIONS OF BOSNIA AND HERZEGOVINA**



H. Čemerlića 2, 71000 Sarajevo, Tel: ++ 387 (0) 33 70 35 73, Fax: 70 35 65, www.revizija.gov.ba, e-mail: saibih@bih.net.ba

**IZVJEŠTAJ O AKTIVNOSTIMA
UREDA ZA REVIZIJU INSTITUCIJA BiH
za 2014. godinu**

SARAJEVO, mart 2015.

SADRŽAJ

1.	Uvod	3
2.	Izvršene revizije u 2014. godini	4
	2.1. Finansijska revizija	4
	2.2. Revizija učinka	7
3.	Finansiranje	10
4.	Smještajni kapaciteti	10
5.	Izgradnja unutrašnje strukture	11
6.	Informacioni sistem Ureda	13
7.	Koordinacioni odbor	14
8.	Međunarodna saradnja	15
9.	Sažetak	16

Privitak - Finansijski izvještaj Ureda za 2014.

1. Uvod

Ured za reviziju institucija Bosne i Hercegovine, u skladu sa članom 6. stav (2) Zakona o reviziji institucija BiH (Službeni glasnik BiH, broj 12/06), dostavlja Godišnji izvještaj o aktivnostima (završni izvještaj).

Završni izvještaj obuhvata pregled najvažnijih aktivnosti u 2014. godini u kojoj su izvršene finansijske revizije javnih računa u Bosni i Hercegovini. Izvještaji su dostavljeni Parlamentarnoj skupštini BiH, Predsjedništvu BiH, Vijeću ministara BiH i Tužilaštvu BiH te je u Službenom glasniku BiH objavljena obavijest o izvršenim revizijama.

Izvještaji su dobro medijski popraćeni i dobro su ocijenjeni u javnosti, što doprinosi daljnjem razumijevanju uloge javne revizije u jačanju demokratskih procesa u društvu i boljem upravljanju javnim novcem.

Ured je u prošloj godini izvršio revizije svih institucija Bosne i Hercegovine koje su korisnici budžeta za 2013. godinu i započeo prethodnu reviziju institucija za 2014. godinu.

Kao punopravni član Međunarodne organizacije vrhovnih revizionih institucija - INTOSAI, Ured za reviziju je nastavio sa primjenom ISSAI okvira međunarodnih standarda vrhovnih revizionih institucija, te sa sudjelovanjem u zajedničkim aktivnostima.

Generalni revizor i zamjenici generalnog revizora, uz generalnog revizora i zamjenike iz Federacije Bosne i Hercegovine i Republike Srpske, kao članovi Koordinacionog odbora institucija za reviziju, dali su značajan doprinos u primjeni ISSAI okvira.

U skladu sa zakonskim ovlaštenjima i postavljenim ciljevima u misiji i viziji svog djelovanja, Ured je nastavio biti poticaj izgradnji institucija sistema u Bosni i Hercegovini na način da predstavnicima zakonodavne i izvršne vlasti omogući ispravno djelovanje u cilju postizanja pozitivnih efekata na dobrobit cjelokupne zajednice.

Vjerujemo da će Ured za reviziju i dalje biti generatorom promjena u cilju racionalnije i efikasnije upotrebe javnih resursa.

2. Izvršene revizije u 2014. godini

Mandat Ureda za reviziju je određen Zakonom o reviziji institucija BiH, općeprihvaćenim revizionim standardima i ISSAI okvirom.

Zakonom je propisano da nadležnost Ureda za reviziju institucija BiH obuhvata sve javne institucije BiH, uključujući: Parlament, Predsjedništvo, Vijeće ministara i budžetske institucije, vanbudžetska sredstva koja mogu biti predviđena Zakonom, sredstva koja su kao zajam ili grant za BiH međunarodna tijela i organizacije osigurale nekoj instituciji ili projektu u BiH, sredstva osigurana iz budžeta bilo kojoj drugoj instituciji, organizaciji ili tijelu kao i kompanijama u kojoj država ima vlasnički udio od 50% plus jednu dionicu ili više.

Revizija uključuje i sve finansijske, administrativne i druge aktivnosti, programe i projekte kojima upravlja jedna ili više institucija i tijela u BiH, uključujući procesiranje i prihode od prodaje imovine, privatizacija i koncesija.

2.1. Finansijska revizija

Godišnji izvještaj o reviziji daje prikaz najznačajnijih nalaza do kojih je, za budžetsku 2013. godinu, došao Ured za reviziju tokom provođenja procesa revizije u institucijama BiH. Uz nalaze i zaključke revizije, izvještaji sadrže preporuke, sugestije i upozorenja kao i informacije o aktivnostima koje su preduzeli klijenti tokom same revizije.

Rukovodstva institucija odgovorna su za pripremu finansijskih izvještaja, zakonitost izvršenih transakcija i namjensko korištenje sredstava. Rukovodstva su također odgovorna za uvođenje sistema internih kontrola kojima se osigurava pouzdanost upravljanje javnim sredstvima. Naša odgovornost, kao vanjskog revizora, propisana je Zakonom o reviziji institucija Bosne i Hercegovine, Okvirom međunarodnih standarda vrhovnih revizionih institucija - ISSAI okvirom u Bosni i Hercegovini (Limskom deklaracijom, Smjernicama o pravilima revizije, Meksičkom deklaracijom o nezavisnosti, INTOSAI revizionim standardima i Etičkim kodeksom za revizore u javnom sektoru).

Ured za reviziju, kroz svoju aktivnost finansijske revizije, procjenjuje:

- da li su finansijski izvještaji pouzdani,
- da li bilansi u potpunosti odražavaju rezultate izvršenja budžeta,
- da li rukovodioci institucija primjenjuju zakone i propise i koriste sredstva za odgovarajuće namjene,
- finansijsko upravljanje, funkciju interne revizije i sisteme interne kontrole.

U skladu sa zakonskim obavezama i ovlaštenjima i godišnjim programom rada za 2014. godinu, Ured za reviziju je izvršio finansijsku reviziju budžeta za 2013. godinu u sljedećim institucijama:

1. Agencija za antidoping kontrolu BiH
2. Agencija za državnu službu BiH
3. Agencija za forenzička ispitivanja i vještačenja
4. Agencija za identifikacione dokumente, evidenciju i razmjenu podataka BiH
5. Agencija za javne nabavke BiH
6. Agencija za lijekove i medicinska sredstva
7. Agencija za nadzor nad tržištem BiH
8. Agencija za osiguranje u BiH
9. Agencija za policijsku podršku
10. Agencija za poštanski promet BiH
11. Agencija za predškolsko osnovno i srednje obrazovanje BiH
12. Agencija za prevenciju korupcije i koordiniranje borbe protiv korupcije
13. Agencija za unapređenje stranih investicija u BiH
14. Agencija za rad i zapošljavanje BiH
15. Agencija za razvoj visokog obrazovanja i osiguranja kvaliteta BiH
16. Agencija za sigurnost hrane BiH
17. Agencija za statistiku BiH
18. Agencija za školovanje i stručno osposobljavanje kadrova
19. Agencija za zaštitu ličnih podataka u BiH
20. Arhiv BiH
21. Centar za informisanje i priznavanje dokumenata u oblasti visokog obrazovanja u BiH
22. Centar za uklanjanje mina u BiH - BHMAG
23. Centralna harmonizacijska jedinica MFT BiH
24. Direkcija za civilno zrakoplovstvo BiH
25. Direkcija za ekonomsko planiranje
26. Direkcija za evropske integracije BiH
27. Direkcija za koordiniranje policijskih tijela
28. Državna agencija za istrage i zaštitu
29. Državna regulatorna agencija za radijacijsku i nuklearnu sigurnost u BiH
30. Fond za povratak BiH
31. Generalni sekretarijat Vijeća ministara BiH

32. Granična policija
 33. Institucija ombudsmena za ljudska prava BiH
 34. Institucija ombudsmena za zaštitu potrošača BiH
 35. Institut za akreditiranje BiH
 36. Institut za intelektualno vlasništvo BiH
 37. Institut za mjeriteljstvo BiH
 38. Institut za nestale osobe BiH
 39. Institut za standardizaciju BiH
 40. Jedinica za implementiranje projekta izgradnje Zavoda za izvršenje krivičnih sankcija, pritvora i drugih mjera BiH
 41. Komisija za koncesije BiH
 42. Konkurencijsko vijeće BiH
 43. Memorijalni centar Srebrenica – Potočari Spomen obilježje i mezarje za žrtve genocida iz 1995. godine
 44. Ministarstvo civilnih poslova BiH
 45. Ministarstvo finansija i trezora BiH
 46. Ministarstvo odbrane BiH
 47. Ministarstvo pravde BiH
 48. Ministarstvo prometa i komunikacija BiH
 49. Ministarstvo sigurnosti BiH
 50. Ministarstvo vanjske trgovine i ekonomskih odnosa BiH
 51. Ministarstvo vanjskih poslova BiH
 52. Ministarstvo za ljudska prava i izbjeglice BiH
 53. Obavještajno-sigurnosna agencija BiH
 54. Odbor državne službe za žalbe
 55. Parlamentarna skupština BiH
 56. Komisija za očuvanje nacionalnih spomenika
 57. Pravobranilaštvo BiH
 58. Predsjedništvo BiH
 59. Regulatorna agencija za komunikacije BiH
 60. Služba za poslove sa strancima BiH
 61. Služba za zajedničke poslove institucija BiH
 62. Centralna izborna komisija
 63. Sud BiH
 64. Tužilaštvo BiH
 65. Uprava BiH za zaštitu zdravlja bilja
 66. Uprava za indirektno oporezivanje BiH
 67. Ured koordinatora za reformu javne uprave
 68. Ured za harmonizaciju i koordinaciju sistema plaćanja u poljoprivredi i ruralnom razvoju
 69. Ured za razmatranje žalbi po javnim nabavkama
 70. Ured za veterinarstvo BiH
 71. Ured za zakonodavstvo
 72. Ustavni sud BiH
 73. Visoko sudsko i tužilačko vijeće BiH
-

Predmet finansijske revizije kod navedenih institucija odnosi se kako na tačnost godišnjih finansijskih izvještaja institucija tako i na usklađenost poslovanja sa zakonima i pravilima.

U vezi sa tačnošću finansijskih izvještaja, revizor stiče razumno uvjerenje o tome da finansijski izvještaji kao cjelina ne sadrže značajne pogrešne prikaze, bilo zbog prevare ili zbog greške, omogućavajući tako revizoru da izrazi mišljenje o tome jesu li finansijski izvještaji izrađeni, u svim značajnim aspektima, u skladu sa primjenjivim okvirom finansijskog izvještavanja...”

Revizija usklađenosti se vrši tako što se ocjenjuje da li su aktivnosti, finansijske transakcije i informacije u svim materijalnim aspektima u skladu sa mjerodavnim zakonima i pravilima kojima se subjekt revizije rukovodi u svom radu. Uobičajeno, revizor razmatra one zakone i propise koji imaju direktan uticaj na finansijske izvještaje.

Od institucija koje su finansirane budžetskim sredstvima, revidirana su 73 budžetska korisnika od kojih je 21 institucija dobila pozitivno mišljenje revizora, 44 institucije pozitivno mišljenje sa isticanjem predmeta, 7 institucija mišljenje s rezervom uz isticanje predmeta, dok se kod 1 institucije Ured za reviziju suzdržao od davanja mišljenja.

Također, Ured za reviziju je, prema planiranim aktivnostima, tokom 2013. godine proveo reviziju konsolidovanog izvještaja o izvršenju budžeta za 2013. godinu. U oktobru 2014. godine, Ured za reviziju je za navedene klijente započeo i sa aktivnostima na prethodnoj reviziji za 2014. godinu.

2.2. Revizija učinka

Međunarodni standardi vrhovnih revizionih institucija (ISSAI), koje razvija Međunarodna organizacija vrhovnih institucija za reviziju (INTOSAI), reviziju učinka prepoznaju kao jednu od tri glavne vrste revizija javnog sektora (pored finansijske revizije i revizije usklađenosti).

Revizija učinka je način kontrole i uvida u tok i rezultate različitih aktivnosti vlasti i njezinih institucija. Tačka 9. ISSAI 300 kaže da RU predstavlja nezavisno, objektivno i pouzdano ispitivanje kojim se utvrđuje da li institucije, državna preduzeća, aktivnosti, sistemi, programi ili projekti posluju, rade, odnosno provode se u skladu sa principima ekonomičnosti, efikasnosti i efektivnosti, te da li ima prostora za poboljšanje.

Revizija učinka se provodi u skladu sa Zakonom o reviziji institucija BiH i usvojenim Međunarodnim standardima vrhovnih revizionih institucija - ISSAI, a organizacijski je u Uredu pozicionirana u Odjeljenju za reviziju učinka.

Osiguranje kvalitete revizije je horizontalno i integrisano je u sam proces revizije, dok se kontrola kvalitete provodi vertikalno: od tima, preko Odjeljenja za reviziju učinka, koordinatora revizije, do menadžmenta Ureda.

Cilj revizije učinka je utvrditi da li korišteni resursi predstavljaju najekonomičnije korištenje javnih sredstava, da li se korištenjem raspoloživih resursa pravovremeno pružaju najbolje usluge, da li su ispunjeni strateški ciljevi, te da li postoji uticaj na implementaciju tih ciljeva. Važna uloga revizije učinka je da ukaže na postojeće propuste i - u skladu s tim - da odgovarajuće preporuke. Implementacija datih preporuka treba dovesti do pozitivnih promjena u sistemu kao cjelini, stvaranja nove vrijednosti i unaprjeđenja funkcionisanja sistema ili institucije, što se ogleda u poboljšanju ekonomičnosti, efikasnosti i efektivnosti u korištenju resursa.

Najvažnije aktivnosti revizije učinka se mogu podijeliti u sljedeće grupe:

✓ Aktivnosti u vezi sa provođenjem glavne studije i objavom izvještaja revizija učinka:

Tokom 2014. godine objavljeno je 8 izvještaja revizije učinka. Riječ je o sljedećim izvještajima:

- Pretpostavke za efikasan rad Agencije za prevenciju korupcije i koordinaciju borbe protiv korupcije,
- Telekomunikacijska rješenja u institucijama BiH,
- Upravljanje ugovorima o djelu i ugovorima o privremenim i povremenim poslovima u institucijama BiH,
- Izdaci za sudske sporove,
- Kontrola zračnog prometa,
- Raspodjela i korištenje sredstava tekuće rezerve,
- Smještaj pripadnika oružanih snaga u Ministarstvu odbrane BiH.

Kako revizija učinka nije aktivnost koja se može vezivati za trajanje kalendarske godine, treba istaći da su aktivnosti na provođenju glavnih studija na nekim od navedenih izvještaja započete u 2013. godini.

✓ Aktivnosti praćenja izvještaja revizije učinka.

S ciljem analize postupanja nadležnih institucija BiH po preporukama Ureda datim u izvještajima revizije učinka, provedena je analiza za izvještaje objavljene od 2010. do aprila 2013. godine. Riječ je o sljedećim izvještajima:

- Nabavka računarske opreme u institucijama BiH,
- Upravljanje troškovima zakupa za rad i smještaj institucija BiH,
- Stambeno zbrinjavanje povratnika,

- Višegodišnja kapitalna ulaganja institucija BiH,
- Upravljanje voznim parkom u institucijama BiH,
- Upravljanje zasnovano na rezultatima kroz planove i izvještaje institucija Vijeća ministara BiH.

O rezultatima provedene analize sačinjen je izvještaj koji je Ured i objavio početkom 2014. godine.

✓ Započete studije

Tokom 2014. godine započete su aktivnosti istraživanja u pred-studiji i otpočinjanje aktivnosti na provođenju glavne studije za sljedeće revizije učinka:

- Efikasnost uspostave sistema finansijskog upravljanja, kontrole i interne revizije u institucijama BiH i
- Energetska efikasnost u institucijama BiH

Revizija učinka na temu: Energetska efikasnost u institucijama BiH se provodi u okviru Projekta paralelnih revizija mreže zemalja kandidata i zemalja potencijalnih kandidata za pristup u EU. Cilj je unaprjeđenje kvalitete i kredibiliteta revizije učinka, a pored timova triju VRI u BiH, uključene su VRI: Albanije, Kosova, Srbije, Crne Gore, FYRM i Turske. VRI koje provode revizije, objavit će pojedinačne izvještaje. Neke od učesnica su samo posmatrači.

Objavljivanje izvještaja za obje ove revizije planirano je u prvoj polovini 2015. godine.

✓ Kandidiranje tema za nove revizije učinka;

Tokom 2014. godine, Odjeljenje za reviziju učinka se aktivno bavilo predlaganjem tema za reviziju učinka na način kako to predviđa ISSAI 300.36.

U tom smislu, praćen je rad i rasprave koje su vođene u Parlamentarnoj skupštini i Vijeću ministara BiH, kao i rad i rezultati koje svojim radom ostvaruju institucije BiH. Provedena su određena istraživanja radi identificiranja slabosti/neučinkovitosti u radu institucija državnog nivoa, što je rezultiralo kandidiranjem većeg broja (24) potencijalnih tema za buduće revizije učinka.

3. Finansiranje

Budžetom institucija BiH i međunarodnih obaveza BiH za 2014. godinu, za finansiranje Ureda za reviziju odobrena su sredstva u iznosu od 3.665.000 KM.

U periodu 01.01.2014.-31.12.2014. godine, ukupni rashodi Ureda za reviziju iznosili su 3.055.065 KM što je 84% od ukupno odobrenog iznosa. Unutar toga, izdaci po osnovu bruto plaća i naknada i naknada troškova uposlenih iznosili su 2.469.864 KM, što predstavlja 81 % ukupnih rashoda, izdaci za materijal i usluge iznosili su 495.722 KM ili 16 % ukupnih rashoda. Kapitalni izdaci iznosili su 89.476 KM ili 3% ukupnih rashoda. Rashodi temeljem aktivnosti Koordinacionog odbora iznosili su 23.517,00 KM ili 34 % od ukupno odobrenih sredstava za te namjene.

Tragom zaključka sa 102. sjednice Vijeća ministara BiH, te davanje prijedloga za njegovo smanjenje, kako bi se osigurala sredstva u Budžetu 2014. godine za pomoć stanovništvu na području ugroženim poplavama, budžet Ureda za reviziju umanjen je u iznosu od 1% ukupnog budžeta na stavki bruto plaće i naknade - ekonomski kod 611100, što iznosi 37.000 KM.

Prodajom jednog vozila Ureda, sredstva od prodaje vozila dodjeljena su na raspolaganje Uredu. Ovim umanjenjem budžetskih sredstava, kao i prihodom od prodaje vozila, konačan budžet Ureda za reviziju iznosio je 3.635.227 KM.

U toku godine sredstva odobrena Budžetom za ostvarenje utvrđenih ciljeva utrošena su namjenski, svrshodno i zakonito i procent izvršenja budžeta je rezultat praćenja i kontinuirano racionalnog trošenja sredstava, što je rezultiralo i značajnim uštedama na pojedinim budžetskim stavkama.

4. Smještajni kapaciteti

Ured, temeljem zakupa koristi prostor u ulici Hamdije Čemerlića 2/XIII. Ovaj smještaj nema trajan karakter, te je u tom smislu podnijeta aplikacija za realiziranje projekta izgradnje kapaciteta Ureda u okviru Projekta javnih investicija BiH.

Popuna predviđene sistematizacije uposlenih zahtijevat će trajno rješenje pitanja smještaja, a time i pitanja stvaranja optimalnih uslova za rad Ureda za reviziju.

Neminovnost iznalaženja trajnog rješenja, koje aktivnosti su nastavljene tokom 2014. godine, generisana je i činjenicom da su povećane potrebe za odgovarajućim kapacitetima smještaja osoblja te smještaja informatičke opreme za rad uposlenika Ureda.

5. Izgradnja unutrašnje strukture

Unutrašnja organizacija Ureda za reviziju utvrđena je s ciljem da se osigura racionalna organizacija rada i efikasno rukovođenje i izvršavanje poslova, provođenje utvrđene politike i pravilno i potpuno izvršavanje zakona i drugih propisa te ostvarivanje adekvatne saradnje sa institucijama BiH.

Poslovi iz nadležnosti Ureda za reviziju vrše se u okviru sljedećih organizacijskih jedinica:

- Kabinet generalnog revizora i zamjenika generalnog revizora
- Odjel za finansijsku reviziju (grupa klijenata I)
- Odjel za finansijsku reviziju (grupa klijenata II)
- Odjel za reviziju učinka
- Odjel za razvoj, metodologiju i kontrolu kvalitete revizije
- Služba za pravne, finansijske i opće poslove
- Odsjek za međunarodnu saradnju i odnose s javnošću

Organizacija revizijskog posla je uspostavljena tako da se revizija obavlja u timovima. Koordinaciju rada revizijskih timova obavljaju zamjenici generalnog revizora.

STRUKTURA ZAPOSLENIH U UREDU ZA REVIZIJU SA 31.12.2014.

Generalni revizor i zamjenici generalnog revizora

Revizijsko osoblje

Stručno i administrativno osoblje


Ukupno

3

42

11

56



Od organizacijskih aktivnosti naglasili bismo rad Stručnog kolegija koji je analizirao sve aktivnosti Ureda za reviziju, razmatrao prijedloge odgovarajućih odluka i usmjeravao aktivnosti u cilju postizanja pune transparentnosti i efektivnosti u radu Ureda za reviziju. Isti je raspravljao o aktualnim temama koje se tiču revizije. Posebna pažnja posvećena je i pitanjima koja se odnose na kontrolu kvalitete revizije, IT reviziju, komunikaciju, prevenciju korupcije, strategiju razvoja institucije i sl.

6. Informacioni sistem Ureda

IT sistem je organizovan na način da pruži efikasnu podršku u vršenju poslovnih operacija koje se odvijaju u Uredu i zadovolji različite potrebe korisnika. U vezi s tim su određeni prioriteti koje informacioni sistem treba zadovoljiti, i to: stalnu dostupnost; sigurnost, pouzdanost i integritet podataka; brži i lakši pristup informacijama i dokumentima; racionalno i potpuno upravljanje dokumentacijom; dijeljenje informacionih resursa i kooperativni rad; integrisanje poslovnih procesa sa sistemom za upravljanje dokumentacijom; trajnu zaštitu podataka i dokumentacije; korištenje naprednih revizijskih alata podržanih informacionim tehnologijama.

Informacioni sistem Ureda unaprijeđen je nabavkom nove serverske infrastrukture. Na novonabavljenoj opremi implementiran je novi informacioni sistem. U novom informacionom sistemu su setovana dva *domen kontroler- a*, *e-mail server*, *DPM server*, *file server*, *sharepoint server*. Kompletan sistem je virtualiziran i visoko dostupan. U segmentu sigurnosti implementiran je novi sistem za *backup* podataka i *disaster recovery* lokacija. Kreiran je prijedlog za implementiranje sistema za upravljanje procesom revizije. Nadograđene su postojeće internet i intranet stranice. Implementiran je novi i kvalitetniji internet link. Ažurirana je politika sigurnosti informacionog sistema, u skladu sa ISO 27001. Informacioni sistem je kvalitetno i pravovremeno odgovorio na sve zahtjeve koji su pred njega postavljeni.

IT revizori su aktivno sudjelovali u procesima finansijske revizije i revizije učinka. U procesu revizije su korišteni CAATs alati kao i udaljeni pristup centralizovanom sistemu trezora. Ažurirana su uputstva za korištenje centralizovanih sistema trezora i unaprijeđen nivo znanja revizijskog osoblja u ovom segmentu.

7. Koordinacioni odbor

Koordinacijski odbor čine generalni revizori i zamjenici generalnih revizora ureda za reviziju institucija BiH, Republike Srpske i Federacije Bosne i Hercegovine.

Koordinacionim odborom predsjedava generalni revizor Ureda za reviziju, a u odsustvu, njegov ovlašten predstavnik.

Nadležnosti Koordinacionog odbora su:

- uspostavljanje konzistentnih vodiča i uputstava zasnovanih na INTOSAI revizionim standardima;
- razmjena profesionalnih iskustava i težnja ka osiguranju konzistentne kvalitete revizije;
- organizacija i koordinacija razvojnih aktivnosti sva tri ureda za reviziju;
- dodjeljivanje revizorske odgovornosti za zajedničke aktivnosti;
- određivanje predstavljanja u međunarodnim tijelima.

Troškove Koordinacionog odbora i osiguravanja stručnih i administrativno-tehničkih poslova zajednički snose institucije za reviziju, na osnovama koje će definirati Koordinacioni odbor.

Koordinacioni odbor prednost je dao strateškim ciljevima i prioritetima utvrđenim na XX Kongresu INCOSAI-a (XX Kongresu Međunarodne organizacije vrhovnih institucija za reviziju - INTOSAI) koji se ogledaju u sljedećem:

- *Podrška osiguravanju nezavisnosti VRI*
- *Implementiranje ISSAI okvira*
- *Podrška izgradnje kapaciteta VRI*
- *Demonstriranje vrijednosti i koristi od VRI*
- *Promovisanje borbe protiv korupcije*
- *Unaprjeđenje komunikacije unutar INTOSAI-a*

U okviru uloge Koordinacionog odbora kao kohezivnog faktora u razvoju VRI, Koordinacioni odbor se fokusirao na aktivnosti temeljene na preporukama sadržanim u *Izveštaju SIGMA-e o kolegijalnom pregledu vrhovnih revizionih institucija u BiH 2012. godine*, a koje imaju svrhu da pomognu revizionim institucijama da se razvijaju u pravcu potpuno djelotvornih vrhovnih revizijskih institucija u skladu sa međunarodnim standardima i dobrom evropskom praksom.

Koordinacioni odbor je svaku od prednje navedenih aktivnosti razmatrao na sjednicama Koordinacionog odbora u cilju njihove operacionalizacije u skladu sa potrebama i okolnostima.

8. Međunarodna saradnja

U 2014. godini je nastavljena saradnja sa Švedskim državnim uredom za reviziju i to na osnovu Memoranduma o razumijevanju potpisanog 23.4.2013. godine, a odnosi se period od januara 2013. do juna 2016. godine, te na oblasti finansijske/revizije usklađenosti i revizije učinka. Ova je saradnja, pored bilateralnog, imala i multilateralni karakter (obuka održana u Štokholmu, Švedska, u organizaciji SNAO).

Ured je, 2014. godine, kao aktivan učesnik, zajedno sa entitetskim uredima za reviziju u BiH, pristupio regionalnom projektu paralelnih revizija učinka u kojem, također kao aktivni učesnici, sudjeluju VRI Albanije i Kosova, dok VRI Srbije, Crne Gore, FYRM i Turske u projektu nastupaju kao posmatrači. Tema revizije ovog projekta je energetska efikasnost institucija javnog sektora, koju, ispred Ureda obavlja dvočlani tim revizije učinka. Prva radionica u okviru projekta održana je u Tirani u junu 2014. godine, druga u Sarajevu u septembru 2014. godine, dok je treća radionica održana u Beogradu u novembru. Preostale radionice, do završetka projekta, planirane su u 2015. godini.

Ured je aktivno sudjelovao u radu Evropske organizacije vrhovnih revizijskih institucija (EUROSAI) čiji je punopravni član, pa je tako delegacija Ureda sudjelovala na 9. redovnoj konferenciji EUROSAI, koja je održana u Hagg-u, Holandija, u junu 2014. godine. Predstavnik Ureda je, u martu 2014. godine, sudjelovao na seminaru o borbi protiv korupcije - jačanju integriteta u javnom sektoru, čiji domaćin je bila VRI Mađarske, dok je u martu, također u organizaciji VRI Mađarske, održan seminar o nezavisnosti VRI kojem je, prezentacijom ispred VRI BiH, dao doprinos i predstavnik Ureda. Dva predstavnika Ureda su, u oktobru, bili učesnicima EUROSAI seminara o reviziji usklađenosti: primjena smjernica za reviziju usklađenosti (ISSAI 400 i 4000-4999), koji je održan u Vilnius-u, Litvanija.

Ured je nastavio sudjelovati i u svim aktivnostima tzv. Predsjedničke mreže - mreže VRI zemalja kandidata i potencijalnih kandidata za pristupanje EU i Evropskog revizorskog suda pa je, u tom smislu, i oficir za vezu Ureda sudjelovao na redovnom sastanku oficira za vezu održanom u Kopenhagenu, Danska.

Delegacija Ureda je učestvovala i na regionalnoj konferenciji na temu revizije političkih stranaka koja je održana u Beogradu u novembru.

Nastavljena je i saradnja s revizijskim institucijama unutar regije. Tako je Ured za reviziju, u 2014. godini, ostvario dvije studijske posjete i to uredima za reviziju Makedonije i Hrvatske tokom kojih su razmijenjena međusobna iskustva u revizijskim procesima.

Na poziv Državnog ureda za reviziju Malezije, mlađi IT revizor je u avgustu boravio u ovoj zemlji tokom kojeg perioda je pohađao dvosedmični kurs o IT reviziji.

Predstavnici Ureda su, na poziv VRI Rumunije, u junu 2014. godine, bili sudionici ceremonije koja je upriličena povodom obilježavanja 150. godišnjice Računskog suda Rumunije.

Na poziv glavnog revizora austrijske oblasti Koruške, Predstavnik Ureda bio je počasnim gostom regionalne konferencije revizorskih ureda Austrije.

Ured za reviziju je i ove godine radio monitoring medijskih priloga o pitanjima kojima se bavi Ured za reviziju, te je zabilježeno oko 200 članaka, intervju, emisija i ostalih medijskih navoda koje se odnose na rad Ureda za reviziju.

9. Sažetak

Ured za reviziju institucija Bosne i Hercegovine, kao vrhovna institucija za reviziju javnog sektora i predstavnik Bosne i Hercegovine u međunarodnim organizacijama vrhovnih institucija za reviziju (INTOSAI i EUROSAI), ključna je karika u lancu odgovornosti u javnoj upravi koji kroz vršenje revizija, izvještavanje i davanje preporuka doprinosi i promovira efikasnost, efektivnost, ekonomičnost i transparentnost poslovanja javnih subjekata na nivou institucija BiH.

Aktivnosti Ureda za reviziju u 2014. godini vršene su u skladu sa Zakonom o reviziji institucija Bosne i Hercegovine, godišnjim Programom rada Ureda za 2014. godinu i okvirom Međunarodnih standarda vrhovnih revizionih institucija (ISSAI).

Na osnovu Programa rada, Ured za reviziju je u 2014. godini izvršio revizije finansijskih izvještaja 73 subjekata. Predmet finansijske revizije bio je i izvještaj o izvršenju budžeta institucija BiH za 2013. godinu. U izvještajnom razdoblju, Ured za reviziju proveo je i osam revizija učinka.

Ured je tokom 2014. godine sprovodio i druge aktivnosti sukladno svojim nadležnostima i surađivao sa domaćim tijelima i organizacijama, kao i sa vrhovnim institucijama za reviziju drugih zemalja i drugim međunarodnim organizacijama.

Analizom provedenih aktivnosti u 2014. godini, te usporedbom planiranog i ostvarenog, može se zaključiti da je Ured u najvećem dijelu realizovao aktivnosti i obaveze koje su mu stavljene u zadatak kako godišnjim programom rada, tako i Zakonom o reviziji institucija Bosne i Hercegovine.

Ured za reviziju je svojim radom i preporukama upućenim institucijama BiH koje su potkrijepljene i zaključcima Parlamentarne skupštine BiH prema institucijama izvršne vlasti težio unaprijediti stanje stvari u BiH u oblastima za koja je nadležan.

Vizija je i strateško opredjeljenje Ureda za reviziju da doprinosi parlamentarnom nadzoru i dobrom upravljanju u javnom sektoru, rukovodeći se suštinskim vrijednostima: nezavisnošću, objektivnošću, profesionalizmom, transparentnošću i poštenjem.

Ured za reviziju će i u narednom periodu nastojati da aktivno doprinese perspektivama dobrog upravljanja u javnom sektoru i zadrži nivo povjerenja koje javnost i zakonodavna vlast ima u rezultate rada institucije revizije.

Broj: 01-05-02-3-220/15


Sarajevo, 31. mart 2015. godine




P R E G L E D
rashoda proračuna po ekonomskim kategorijama
u periodu od 01.01. do 31.12.2014.g.

R.br.	Vrsta rashod	Ekonomski kod	Odobreno budžetom za tekuću godinu	Izmjene: rebalans, prestrukturiz. (+,-)	Korigovani budžet (4+,-5)	Realizirano u tekućem periodu	Realizirano u predhodnoj godini	Index 7/6
1	2	3	4	5	6	7	8	9
I	TEKUĆI IZDACI		3.515.000	-37.000	3.478.000	2.965.589	3.107.922	85
1.	Bruto plaće i naknade	611100	2.511.000	-37.000	2.474.000	2.278.887	2.290.798	92
2.	Naknade troškova zaposlenih	611200	316.000	-53.600	262.400	190.977	226.551	73
3.	Putni troškovi	613100	160.000	0	160.000	80.794	130.054	50
4.	Izdaci telefonskih i poštanskih usluga (PTT)	613200	45.000	0	45.000	34.126	36.924	76
5.	Izdaci za energiju i komunalne usluge	613300	60.000	0	60.000	20.119	30.959	34
6.	Nabavka materijala	613400	40.000	6.000	46.000	41.815	38.343	91
7.	Izdaci za usluge prevoza i goriva	613500	40.000	0	40.000	25.342	27.206	63
8.	Unajmljivanje imovine i opreme	613600	236.000	0	236.000	198.450	230.730	84
9.	Izdaci za tekuće održavanje	613700	44.000	-6.000	38.000	32.911	43.940	87
10.	Izdaci osiguranja, bank. usluga i usluga pl. prom.	613800	8.000	0	8.000	2.923	3.782	37
11.	Ugovorene usluge	613900	55.000	53.600	108.600	59.245	48.635	55
II	KAPITALNI IZDACI		150.000	7.227	157.227	89.476	112.317	57
1.	Nabavka opreme	821300	150.000	-16.773	133.227	65.530	112.317	0
2.	Nabavka stalnih sredstava u obliku prava	821500	0	24.000	24.000	23.946	0	
	UKUPNI RASHODI		3.665.000	-29.773	3.635.227	3.055.065	3.220.239	84

Službenik za finansije





Generalni revizor

